

CHA'Q'UEJLEL BA JUN TSA' BA I TS'IJBU JUAN

Jini melel ba t'an yic'ot p'untyaya

1 ¹ Joñon ancianojon. Chancol c ts'ijbubeñet jun hermana yajcɔbilet ba i cha'an Dios yic'ot a walobilob. Melelɔch mic p'untyañetla. Mach joñonic jach pero pejtyel tsa' ba i cañayob jini isujm ba t'an.

² Más mic p'untyañetla cha'an ti caj isujm ba t'an am ba ti lac pusic'al.

Wɔ'ɔchixi mi quej i ñoj cɔtyɔɔ.

³ La' i pas'eñetla i yutslel Dios lac Tyat yic'ot Jesucristo i Yalobil ba Dios lac Tyat. La' i p'untyañetla, la' i ñɔch'chocobeñetla la' pusic'al ti i sujmllel yic'ot ti' p'untyaya.

⁴ C'ajacña coj mi cubin como tic tyaja ilayi an a walobilob mu' ba yajñelob ti wen ti jini melel ba t'an che' bajche' ti' xiq'uionla Dios lac Tyat.

⁵ Wale hermana, mic subeñet ti wocol t'an cha'an lac p'untyan lac ba. Mach tsijibic jini xic'ol chancol ba c ts'ijbubeñet pero jiñɔch tsa' ba la cubi c'ɔɔɔ ti tyejchibal.

⁶ Mi chancox lac p'untyan Dios mux lac wen ch'ujbiben i xic'ojel. Jiñɔch i xic'ojel Dios tsa' ba la' wubi c'ɔɔɔ ti tyejchibal c'ɔɔɔ wale cha'an yom mic p'untyan lac ba.

Xlot ba ajcantisajob

⁷ Añob cabɔɔ xlot ba ajcantisɔɔ i mulawil. Mach'an mi' ch'ujbiñob mi

mero ti i bac'tyal ti tyɔɔli Jesucristo. Jini xlot ba ajcantisɔɔ jinɔch ajcontra Cristo.

⁸ Xuc'uletla ame mi la' sat i tyojol la' troñel, pero yom ts'ɔɔɔ mi la' tyaj la' tyojol ti lac Yum.

⁹ Che'ic bajche' anic majch mi' xɔ' otsan yamba t'an ti jini cantisɔɔ cha'an Cristo mach i cha'anic Dios che' jini. Pero jini mu' ba i c'ɔɔɔ sub Cristo ti' cantisɔɔ, añɔch ti Dios lac Tyat yic'ot ti Yalobil.

¹⁰ Mi an majch mi c'otyel ya' ba' añetla mi mach'an mi' sub ili ba cantisɔɔ cha'an Cristo mach la' wotsan ti la' wotyot. Ma' mi la' suben cha'an weñɔch ti tyɔɔli.

¹¹ Como jini mu' ba i yɔɔle' che' bajche' jini chancox i yotsan i ba yic'ot jini ajcontra Cristo.

Cojix ba t'an tyac

¹² An tyo cabɔɔ chɔɔ ba com c subeñetla pero mach comox c ts'ijbun ti jun. Mu' tyo c pijtyan ya' ba mij c'otyel ba' añetla cha'an mic pejcañetla cha'an ñoj tijicñayic mi lac cubin.

¹³ Jiñɔch yajcɔbil ba i cha'an Dios je'el jini a chich. Yom bi i chocbeñet tyɔɔlel saludos i yalobilob a chich. Amén.